

**JZU DOM ZDRAVLJA  
DOBOJ ISTOK**

Broj: 03-14-1/2023  
Datum: 05.01.2023 god.

JAVNA USTANOVA  
JAVNA ZA ZAPOŠLJAVANJE TUZLANČINI MARIJANI  
DOBOJ  
BIRO DOBOJ I

PRIMLJENO: 05. 01. 2023			
Opis posla	Er	Prilog	Priloga
12-45-4-50/22			

Na osnovu člana 20a. stav 2. Zakona o radu („Službene novine Federacije BiH“ broj: 26/16 i 89/18 ), člana 44. Statuta Javne zdravstvene ustanove Dom zdravlja Doboj Istok broj: 1649-1/2012 , člana 9. i 11. Pravilnika o radu JZU Dom zdravlja Doboj Istok broj: 1357/2021 od 02.09.2021.godine i Pravilnika o izmjenama i dopunama Pravilnika o radu, broj: 01-618/2022 od 25.03.2022.godine,Pravilnikao izmjenama i dopunama Pravilnika o radu, broj: 02-1387-4/2022 od 26. 09. 2022 godine i Odluke o potrebi prijema u radni odnos broj: 03-14/2023 od 05.01.2023. godine, JZU Dom zdravlja Doboj Istok raspisuje i objavljuje:

**JAVNI OGLAS  
za prijem u radni odnos**

Javna zdravstvena ustanova Dom zdravlja Doboj Istok sa sjedištem u Klokočnici, u ulici Trg Alije Izetbegovića broj 9., vrši prijem radnika radi zasnivanja radnog odnosa na neodređeno vrijeme. Prijem radnika vrši se za slijedeće radno mjesto:

1. Doktor medicine specijalista ginekologije i akušerstva jedan ( 1 ) izvršilac na neodređeno vrijeme

Kandidati koji se prijavljuju na Javni oglas za prijem u radni odnos obavezni su ispunjavati opšte i posebne uslove Javnog oglasa i to:

Opšti uslovi koje kandidati moraju ispunjavati:

- da su državljanini BiH, dokaz Uvjerenje o državljanstvu
- da imaju najmanje 18 godina života
- da su zdravstveno sposobni za obavljanje poslova za koje se prijavljuju/kandiduju (ljekarsko uvjerenje naknadno prilaže izabrani kandidat).

Posebni uslovi za radno mjesto , koje kandidati moraju ispunjavati:

- VSS završen medicinski fakultet, dokaz diploma;
- Uvjerenje o položenom stručnom ispitu, dokaz uvjerenje;
- Da su specijalisti odgovarajuće specijalnosti, dokaz uvjerenje
- Licencu za samostalan rad izdatu od nadležne Ljekarske komore, dokaz licenca;

Kratak opis poslova Doktora medicine specijalista ginekologije i akušerstva

Vrši ginekološke preglede žena kojim se utvrđuje postojanje ili nepostojanje bolesti, te vrši procjenu takvih stanja pomoću medicinskih dijagnostičkih instrumenata, postupaka i sredstava; vrši preglede žena trudnica radi utvrđivanja toka trudnoće i zdravstvenog stanja trudnice; savjetuje trudnice i daje savjete vezane za planiranje porodice; vrši liječenje i rehabilitaciju; propisuje lijekove u skladu sa propisima o lijekovima; vrši ciljane ginekološke



preglede, ciljani pregled na rano otkrivanje raka dojke kao i na rano otkrivanje raka grlića maternice; ginekološke preglede porodilje; vrši kolposkopske preglede; koordinira sa patronažnom službom; vrši lavažu vagine; usluge liječenja početnog mastitisa, staze, ragada; vrši pregled dojki; različite preglede ultrazvučnim aparatom radi diferencijalne dijagnoze; prati razvijanje laktacije i prevenira komplikacije; obavlja porode u hitnim slučajevima i prekide trudnoće iz medicinskih razloga; vrši uzimanje brisa i analizu kristalizacije cervikalne sluzi, zatim uzimanje brisa i analizu vaginalnog sekreta i brisa na Papanikolau; vrši juvenilni ginekološki pregled; izvođenje testa na trudnoću, postkoitalni test ili Sims-Hunerov test, octena i Schillerova proba, epiziotomija; kateterizacija mokraćne bešike kod žene, uvođenje trajnog katetera ili zamjena trajnog katetera kod žene; klistiranje; vrši pregled, kontrolu i previjanje – nekomplikovani, primarnu obrada rane (sa i bez šavova), skida hirurške konce; provodi klizmu za čišćenje; laser th – kod Cin-a, HPV tipizacija, inseminacija, aplicatia IUD, extractia IUD, test na trudnoću- gravinda, tuširanje grlića, arteficialni prekid trudnoće do 10NG, educira zdravstvene radnike; vrši i druge poslove iz domena ginekološko akušerske specijalnosti; izdaje liječnička uvjerenja, potvrde i mišljenja; radi na uspostavi sistema poboljšanja kvaliteta i bezbjednosti zdravstvene zaštite u Domu zdravlja; obvezan je voditi tačnu, iscrpnu i datiranu medicinsku dokumentaciju u skladu s propisima iz oblasti zdravstva. Obavlja i druge poslove u okviru svog zvanja i struke, za svoj rad odgovoran je nadređenom.

Svi kandidati su pored obaveznih dokaza za radno mjesto na koje se prijavljuju, dužni priložiti i slijedeću dokumentaciju:

1. Prijavni obrazac ( koji se može naći na web stranici JZU Dom zdravlja Doboj Istok )
2. PBA 3 obrazac ( cips – uvjerenje o prebivalištu )
3. Izvod iz matične knjige rođenih
4. Uvjerenje o državljanstvu ( ne starije od 6 mjeseci )

**Napomena:** Dokumentacija kojom se dokazuje ispunjavanje uslova Javnog oglasa moraju biti originali ili ovjerene kopije ( ne starije od šest mjeseci). JZU Dom zdravlja Doboj Istok nije u obavezi vraćanja dokumentacije koja se prilaže uz prijavu na Javni oglas.

Prilikom zapošljavanja potrebno je dati prednost kandidatima koji po posebnom zakonu imaju prioritet pri zapošljavanju, a koji dokazuju odgovarajućim dokumentima ( potvrda, uvjerenje i sl.), koje prilažu prilikom prijave na Javni oglas.

Izabrani kandidati koji ispunjavaju uslove iz Javnog oglasa, bit će obavješteni o načinu i postupku u vezi sa procesom izbora kandidata.

**Napomena:** Kandidat koji bude izabran naknadno će dostaviti slijedeću dokumentaciju:

- Ljekarsko uvjerenje o zdravstvenoj sposobnosti.

Javni oglas ostaje otvoren 8 dana od dana objavljivanja Javnog oglasa u dnevnom listu „Oslobođenje“ i web stranici JZU Dom zdravlja Doboj Istok.

Neblagovremene, neuredne i nepotpune prijave neće se uzeti u razmatranje.

Kontakt telefon za potrebne informacije: 035-369-500

Prijave, odnosno PRIJAVNI OBRAZAC ( koji se nalazi na web stranici JZU Dom zdravlja Doboj Istok ), kao i dokaze, dostaviti lično ili na adresu:

JAVNA ZDRAVSTVENA USTANOVA  
DOM ZDRAVLJA DOBOJ ISTOK  
Ulica Trg Alije Izetbegovića broj 9.  
74207 KLOKOTNICA

**Sa naznakom: „Prijava na Javni oglas za prijem u radni odnos, za radno mjesto „Doktor medicine specijalista ginekologije i akušerstva 1 ( jedan ) izvršilac na neodređeno vrijeme, pod rednim brojem 1.“**

Na poleđini zatvorene koverta, naznačiti ime i prezime kandidata, adresu i kontakt telefon.



DIREKTOR  
Mujkić dr Kenan  
Spec. interne medicine